

漢書門
 一三六〇八
 二〇八
 一三〇九
 類號架冊


內閣文庫
 漢書
 一三六〇八
 一六〇
 類號架冊


內閣文庫	
番號	漢 12608
冊數	160 (136)
函號	300 211





Faint, illegible text, possibly bleed-through from the reverse side of the page, organized in vertical columns. The text is very light and difficult to decipher.





重校聖濟總錄卷一百七十四

震澤汪鳴珂瑤圃全弟鳴鳳蘭圃校

程 勛懋哉校訂

小兒門

小兒傷寒

小兒中風

小兒發黃

小兒瘧疾

小兒水氣腫

小兒心痛

小兒傷寒論

論曰小兒傷寒與大人有同有異其六經傳變表裏寒熱此其同也大人科內論之詳矣其所異者

重刊聖濟總錄 卷一百一十四
有夾驚夾食夾陰表裏之分嬰孩苦難不能詢問
惟在觀形察色以辨其病源而詳審之若傷寒正
受其症惡寒俛人藏身引衣耳連頰赤鼻塞多涕
是爲表症宜微汗當解表之劑解肌湯蕭氏青龍
湯敗毒散之類主之如惡熱出頭露面揚手擲足
掀衣氣麤煩渴燥糞是爲裏症宜微利當用三乙
承氣湯大柴胡湯之類如先受驚嚇而後感寒邪
或因傷寒熱極生風熱乘於心心神易動故而發
搐是爲夾驚傷寒當用薄荷散人參羌活散解之

甚則用抱龍丸主之或先後受風寒或先後停滯
飲食以致壯熱氣麤頭疼腹脹作痛大便酸臭是
爲夾食傷寒先用解散次與消導大柴胡湯之類
主之若頭額手足口氣俱冷面黯腹痛自利瀉青
是爲裏寒夾陰當急用溫藥救裏如理中湯五味
異功散加木香丁香之類治之舉此三者則汗下
溫補可類推矣

麻黃湯方 治冬月傷寒頭疼身痛發熱惡寒無
汗等症 方遵長沙分兩依錢氏

麻黃

去節 一兩

甘草

四錢

桂枝

七錢

杏仁

二十五枚 去皮

尖

用水三升先煎麻黃至二升去上沫再入三味同煎至一升去渣溫服二三合取微汗則止不

必盡劑

陸氏冲和湯方

治春夏秋太陽傷寒症同前

羌活

一錢半

防風

一錢

紫蘇葉

一錢

川芎

一錢

白芷

一錢

蒼朮

一錢

細辛

五分

甘草

五分

生

薑片

一錢

葱白

三錢

莖

用水一鍾半煎至七分溫服

葱白湯方

治陽明身熱目痛鼻乾頭疼

乾葛

芍藥

知母

各五錢

川芎

一兩

右剉散每服二錢加生薑三片葱白四莖熱服如有汗溫服

桂枝湯方

治傷風太陽症

桂枝

一兩

芍藥

五錢

甘草

三錢

生薑

一錢

大

棗

二枚

用水三升微火煎至一升去渣溫服三合服已

須臾用熱稀粥一盞溫覆一時微汗即止不必盡劑

解肌湯方 治太陽陽明合病發熱惡寒惡心

乾葛一兩 麻黃去節 芍藥 甘草各五錢 桂枝

二錢半

右剉散每服三錢薑一錢葱白五錢煎湯熱服

蕭氏青龍湯方

防風 羌活 川芎 荆芥 桔梗炒 柴

胡 牛旁子炒 甘草炒 黃芩炒 表汗

加麻黃 裏熱加大黃煨

薑葱煎服

人參敗毒散方

人參 柴胡 甘草 枳殼炒 前胡 羌

活 獨活

生薑三片水煎服

升麻湯方 治小兒發熱惡寒肢疼鼻乾不眠

升麻 乾葛 芍藥 蘇葉各三錢 甘草一錢半

右剉散每服三錢身涼即止

小柴胡湯方 治傷寒傷風少陽症多耳聾潮熱
胸滿脇痛嘔噦虛煩

柴胡一兩 半夏三錢 人參 甘草 黃芩各四錢

右剉散每服三錢加生薑三片棗一枚同煎

大柴胡湯方 治表輕裏重

柴胡一兩 大黃一兩 黃芩四錢 芍藥四錢 半
夏四錢 枳實四錢 生薑三錢 大棗三枚

用水三升煎至升半每服半鍾日三服以利為

皮

小承氣湯方 治表邪已解裏滯未行陽症傳陰

大黃五錢 厚朴三錢半 枳實一枚

用水升半煎至八分分三服一行即止若大承
氣恐小兒不能勝任不必錄

三乙承氣湯方

甘草 芒硝 枳實 厚朴 大黃各等分

生薑一片水煎服

麻仁丸方 治表邪解後內熱煩躁津液不足致

熱結於大腸當潤以通之

麻仁

一升

芍藥

四兩

大黃

半斤

枳實

四兩

厚

朴

半斤炙

杏仁

半升去皮尖

別熬作脂

右五味為末加鍊蜜和脂為丸如棗豆大每服十丸漸加以和為度

四逆湯方

治直中陰經寒症脈沉身痛自利不

渴或脈不至等症

大附子

半枚生用

乾薑

七錢

甘草

一兩炙

用水升半煮取七合溫服半盞以和為度

人參白虎湯方

治吐下後七八日不解熱結在

裏表裏俱熱大渴大汗煩躁脈洪

石膏

二兩

人參

一錢

知母

四錢半

甘草

二錢半

粳

米

五勺

右剉每服三錢水煎米熟為度溫服

薄荷散方

治傷寒熱極生風夾驚痰壅

薄荷

五錢

羌活

全蠍

去毒

麻黃

甘草

殭蠶

炒

天竺黃

白附子

各五分

用水二鍾煎滲調醋炙鼈甲末一錢五分溫服

金匱人參白虎桂枝湯方 治小兒氣虛久瘧

人參錢一 粳米撮 炙甘草分五 知母分七

石膏錢一 桂枝分三

水鍾半煎七分溫服

五神丸方 鼻塞法

東方青黛錢五 麝香分二 西方白礬錢五 白芷錢二 南方官桂錢五 硃砂錢一 北方巴豆錢一

四十九粒去殼 黑豆三十粒 中央硫黃錢五 雄黃錢一

上件各依方位以瓷盤盛之於五月初一日潔

誠於本家侍奉神前安放至初五日午時共研為末用五家粽角為丸如梧桐子大陰乾收貯聽用凡遇小兒患瘧於當發之日早起用綿包一丸男左女右為末薄荷煎湯調下一匙臨服加竹瀝少許

人參羌活散方

人參 羌活 獨活 前胡 柴胡 川芎

茯苓 桂枝 枳殼 地骨皮 天麻各等

薄荷 甘草減半

薑水煎服

竹葉石膏湯

治傷寒已解表裏俱虛或汗後無

津液口乾虛煩嘔吐等症

石膏

二兩

半夏

四錢

人參

五錢

甘草

二錢

麥

冬

六錢
去心

右剉散每服二錢水一盞半青竹葉生薑各五

片粳米七十粒同煎溫服

七寶散方

治夾食傷寒小兒乳母同服

紫蘇

三錢

陳皮

桔梗

香附

各三錢

甘草

川芎

白芷

各二錢

右剉散薑棗同煎有熱加乾葛升麻荆芥

玉露散方

治涼心經解諸熱口燥咽乾煩渴

寒水石

石膏

各二兩
水飛過

甘草

三錢

右爲末每服五分麥冬湯下加辰砂金薄名桃

紅散亦治急驚入梔子名金蓮散加滑石五錢

名玉真散湯氏方治小兒秋夏伏暑多有熱吐

黃涎頭溫五心熱小便赤少或乾嘔無物先服

香茹散再宜服此方用生薑汁和白湯調下

理中湯方 治太陰症自利不渴乾嘔腹痛瀉瀉脈沉面青內有真寒

人參 白朮炒 乾薑 甘草

右等分爲散每服二錢百滾湯調下如寒多加大附子名附子理中湯

茵陳蒿湯方 治傷寒頭汗多口渴好飲發黃小便短少

茵陳蒿五錢 梔子仁二錢炒 大黃三錢酒浸

用水一碗半煎八分溫服

烏梅丸方 治傷寒胃冷見食卽嘔虻從上出

烏梅三十枚 人參 細辛 黃栢去皮 附子炮
桂枝炮各六錢 黃連一兩六錢炒 乾薑一兩炮 當歸四錢
川椒四錢去目及閉口者

右爲細末用烏梅肉搗爛爲丸如棗豆大每服三十丸淡薑湯送下

蜜導法 治傷寒自汗大便秘結

白蜜二合煎之作挺如小指許內便道中以手急抱欲大便時去之

搐鼻法 治傷寒濕重鼻塞頭疼

苦瓜蒂不拘多少爲末令病人嚙水一口將此藥一字入鼻中出黃水愈

陰毒薰法 治逆冷囊縮

大豆二升炒極熱先以淨桶內置熱醋三升抱小兒坐桶上蒸少時却以熱豆傾桶中又蒸之有頃囊下却與陰症藥服

水漬法 治陽毒漸深六脈洪大內外結熱舌捲焦黑鼻如烟煤

疊青布數重用新汲井水漬之稍拭去水搭於患人胸上須臾蒸熱又別浸冷布易之頻換新水熱稍退可進陽毒藥

灸少陰法 治少陰症吐利手足不冷反發熱脈伏不至

少陰卽太谿穴也在兩足內踝後跟骨上動脈陷中灸七壯重至十數壯以回爲度

接汗法 冬寒之時汗不易出可行此法
薑葱各半斤煎湯半斛傾大盆中用小板一塊

橫加盆上抱兒坐上蒸之外以席被圍定露其口鼻再進發汗藥

撲粉方 服發汗藥去汗過多以此粉撲之

龍骨 牡蠣 糯米

各等分爲末看出汗處時時撲之

小兒中風

論曰風爲百病之長言其善中於人也何況小兒血氣未定寒溫失調內則盛熱蘊蓄外則腠理虛開致風邪自背上五臟俞而入乘其外虛而暴中

之其症昏不知人事壯熱狂躁搐掣氣麤口噤痰潮諸症大抵治風先理氣不可專服風藥攻之愈急則風勢愈盛惟調氣活血和平榮衛調暢則風疾不治而愈治風小續命湯排風散等劑理氣人參順氣散烏藥順氣散等劑切不可妄施銀粉鉛硝等藥恐寒毒入胃則血脈凝滯真氣銷鑠而成廢人仍有五臟之見症從其經而治之

心中則偃臥不能傾側發熱失音舌焦赤若汗流唇赤者可治灸心俞或唇間白黑青黃乃火

為水尅或面白停停時時悚動者並不治

肝中則踞坐不能舉頭左脇疼諸筋攣急頭目

睵動上視多怒其目青額青唇青面黃者可治

灸肝俞若大段青黑目一黃一白者不治

腎中則踞坐面浮腰脊痛引小腹其耳黑若兩

脇未有黃色起者可治灸腎俞若脇間如黃土

髮直而齒黃赤者不治

肺中則偃臥胸滿喘息咳嗽躁悶汗出其鼻白

若目下至鼻四圍唇口皆白可治灸肺俞若色

帶黃乃肺壞為血併手尋衣縫者不治

脾中則踞坐腹滿皮肉睵動四肢不收其唇黃

若一身通黃口吐鹹汁者可治灸脾俞手足厥

冷者不治

小續命湯方

麻黃

去節

人參

黃芩

炒

杏仁

去皮尖炒

川

芎

五錢

芍藥

炒五錢

甘草

炙

防己

肉桂

去皮

防風

七錢半

附子

炮去皮臍尖一錢

生薑水煎服

排風散方

白蘚皮 白木炒 白芍炒 當歸酒洗炒 肉

桂 川芎 杏仁炒 甘草炙 獨活 麻

黃去節 茯苓各五分

生薑三片 黑棗一枚 水煎服

通關散方 治小兒卒暴中風昏塞不省人事牙

關緊急不得下藥

細辛 薄荷 牙皂角 雄黃

右等分爲末每用少許吹入鼻中候噴嚏然後

進藥或用白梅擦牙更以菖蒲末著舌下牙關

卽開倉卒可用

稀涎散方 治小兒中風初起痰涎湧盛此藥與

之頻吐涎沫壅塞少疏再進他藥

猪牙皂角四條去黑皮炙 白枯礬一兩

共爲細末每進三字水下

蘇合香丸方 治小兒初中風喉中痰塞水飲難

通非香竄之藥不能開竅

沉香 青木香 烏犀角 香附米 丁香

硃砂 訶梨勒 麝香 白檀香 葶撥

安息香 龍腦 蘇合油 白木 各二兩 薰

陸香 一兩

右為細末先將香藥同蘇合油和勻再加鍊蜜為丸如員眼核大淨蠟為包看兒大小或一丸或半丸薑湯送下

四君竹瀝湯方 治小兒半身不遂在右者屬氣

人參 三分 白朮 五分 茯苓 四分 甘草 二分 竹

瀝 半杯

薑汁三匙同竹瀝臨臥加入用水鍾半煎至八

分溫服

四物桃仁湯方 治在左者屬瘀血

當歸 酒洗 六分 川芎 四分 白芍 酒炒 五分 熟地 六分 桃

仁 去皮尖 七粒 紅花 酒洗 五分 竹瀝 半杯

薑汁三匙同竹瀝 服加入用水一鍾半煎至

八分熱服

大秦芫湯方 治中風手足不能運動不能言語

風邪散見不拘一經

秦芫五分 羌活五分 當歸五分 白芍五分 防

風五分 石膏五分 黃芩五分 生芩五分 熟地

五分 甘草五分 川芎五分 白朮五分 白芷五分

茯苓五分 獨活五分 北細辛二分

加生薑一片大棗一枚用水二鍾煎至一鍾頻頻與服

追風毒剉散方 治中風內外皆熱

大黃一分 檳榔 桑白皮 羌活二兩 防風

五錢 郁李仁一分

右剉散每服一錢黑豆三十粒煎湯乳後服

星香散方 治中風痰盛帶驚

南星二錢 木香 陳皮各一錢 全蠍二枚 甘草

五分

右剉散每服一錢薑三片煎湯調服

烏藥順氣散方 治中風遍身麻痺語言蹇澀口

眼喎斜喉中有痰

麻黃去節 陳皮去白 烏藥各一錢 枳殼去瓢

甘草炙 白芷 桔梗各一兩 川芎 白殭蠶

炒 乾薑 炒黑各五錢

右剉散每服一錢五分淡薑湯調下

牽正散方 治中風口眼喎斜外無他症

白附子 三錢 白殭蠶 二錢 全蠍 二枚俱生用

右為末每服一錢酒調服

改容膏方

蓖麻子 一兩 真冰片 三分 寒月加附子乾薑


各一錢

共搗為膏凡中風口眼喎斜僻在左以此膏傅

其右僻在右則傅其左今日傅之明日改正故曰改容或以蜣螂冰片傅之或以鱧血冰片傅之皆良

黃耆防風湯方

許胤宗者常州義興人初任陳為新蔡王叅軍時柳太后中風不能言脈而噤胤宗曰口不下藥宜以湯氣蒸之令藥入腠理周時可差遂造黃耆防風湯數十斛置於牀下氣如烟露次日便得語



小兒發黃論

論曰發黃之症不一有因傷寒發表未透熱邪留入於胃而發者有脾胃氣實遇溫氣乘之變熱而發者有大病後脾胃虛弱肢體浮腫而發者有初生百日半年之間不因病而身黃者此胃熱胎黃也有腹大食土作渴飲冷為脾疴而發者然皆不外濕熱所致蓋因脾氣有虧運化失職濕熱留於肌膚面目皆發為黃者然胃與脾合原象土而色黃是也治宜固養脾胃為主如專用剋伐寬中淡泄利水之藥則鮮有不治危亡者矣若下痢腹痛者難治

茵陳五苓散方 治小兒發黃小便短少

白朮土炒半兩 茯苓二錢 猪苓二錢 澤瀉二錢 桂

心八分 茵陳半兩 當歸二錢

加薑三片棗二枚水二鍾煎一鍾半食遠溫服

丹溪退黃湯方 治癰症不必分五同是濕熱

黃芩炒 黃連炒 梔子炒 茵陳 猪苓

澤瀉 蒼木製 青皮 草龍膽各五分

加燈心二十莖煎服

瓜蒂散方 治發黃腹滿欲吐鼻燥脈浮者宜吐

之酒瘰同治

瓜蒂 赤小豆 淡豆豉各五分

水一鍾半煎一鍾急服

桂枝黃耆湯方 治黃汗身體疼重兩脛自冷

桂枝 芍藥 生薑各三兩 甘草 黃耆各二兩

大棗十二枚

右剉散每服二錢滾水調下

七味白朮散方 治大病後脾胃虛弱發黃肢體

浮腫

人參二錢五分 白朮炒 茯苓 藿香葉各五分 木

香二錢 甘草二錢 乾葛五錢

每服一二錢水煎服熱渴甚去木香肚痛加白

芍

調中丸方

人參 白朮炒 乾薑炮 甘草各等分

右為末鍊蜜為丸每服一丸煨薑湯下加附子
即理中丸

大濕中丸方 治穀酒二癰

陳皮去白 厚朴薑汁炒 三稜醋炒 莪朮醋炒 蒼

木米泔浸透炒 青皮各五兩 甘草炙一兩 香附一斤去毛醋炒

鐵砂二兩醋炒紅七次

各製為末水跌為丸如菉豆大每服一錢五分
空心燈草煎湯送下

茵陳四逆湯方 治小兒發黃脈沉而遲肢體冷

逆腰以上自汗

茵陳二兩 附子一枚製 乾薑一兩半炮 甘草一兩炙

右剉散每服一錢滾水調服兒大量加

石山滲濕湯方 治濕熱壅成黃症小便不利不

思飲食

白朮二錢 蒼朮八分 青皮三分 橘紅四分 枳

實三分 黃芩三分 黃連四分 梔子三分 赤茯苓

苓四分 猪苓七分 澤瀉七分 茵陳一錢

水一升煎至五合數次溫服

瀉黃散方治退脾土復腎水降心火

黃連分五 茵陳分五 黃柏 黃芩 山梔

茯苓分各三 澤瀉分二

右咬咀水一鍾煎至六分熱服

子芩散方 治小兒發黃

黃芩 瓜蒌根 茯苓各一兩 甘草錢五 胡黃

連錢五

共為細末每服一錢滾水調服

雙連丹方 退五癰

川黃連去鬚 胡黃連各一兩

右為極細末用黃瓜一枚去瓢留一小蓋子入

二藥末復蓋定和麩包裹慢火燒令麩焦去麩

將瓜及末搗爛為丸如棗豆大每服七粒至十

粒止量兒大小加減

半夏湯方 治小兒黃癰小便如常欲自利腹滿

而喘者不可除熱熱去必噦

半夏一味不拘多少用湯泡七次剉散每服二

三錢用水一鍾加薑三片煎七分溫服

地黃飲子方 治胎黃身熱面赤眼閉不開大便不通小便如山梔汁

生地二錢 赤芍二錢 羌活 當歸 甘草各一錢

燈心水煎服

地黃湯方 治胎黃

生地 赤芍 花粉 赤茯苓 川芎 當歸 猪苓 澤瀉 甘草 茵陳各等分 白水煎服

犀角散方

犀角五錢 茵陳 瓜蒌根 升麻煨 甘草 生地二錢 寒水石煨七分半 龍膽草五分 白水煎服

張氏蘆根湯方 治諸瘧症

蘆根一兩 茵陳 梔子 黃芩 甘草各五錢 右為細末每用一錢水一鍾入薄荷葉三片煎至六分調服

犀角散方 治小兒遍身盡黃

犀角

磨一兩

茵陳

乾葛

升麻

龍膽草

生地

各五錢

寒水石

七錢半

右剉散量大小煎服

小兒瘧疾

論曰夏傷於暑秋必瘧瘧其症先起於毫毛伸欠乃作寒慄鼓頷腰脊俱痛寒去則內外皆熱頭疼如破渴欲飲冷蓋邪氣並於陽則陽勝發熱並於陰則陰勝則惡寒陰陽交爭則寒熱間發也有一日二日三日一發者有間一日連二日一發者有

日與夜各發者有朝暮而發者有先寒後熱者有先熱後寒者有單寒不熱者有單熱不寒者有有汗無汗者此其略也以詳言之當分六經五臟及痰食勞暑鬼瘴之不同邪中三陰之各異久而不愈名曰瘧瘧瘧瘧者老瘧也老瘧不愈癖結於兩脇之間名曰瘧母此先失於解散或復外感風寒內傷飲食故纏綿不已治法風暑之邪從外而入宜解散之解表後即扶持胃氣故丹溪曰無汗要有汗散邪為主有汗要無汗固正氣為主驟發之

重校聖濟總錄 卷一百一十四
瘧宜解表久發之瘧宜補脾寒瘧宜溫溫瘧宜和
痺瘧宜清挾痰則行痰傷食則消食勞瘧宜安暑
瘧宜解鬼瘧宜祛瘴瘧宜散此亦其略也更以詳
言之熱多寒少者小柴胡湯寒多熱少者清脾飲
子無汗者桂枝麻黃各半湯有汗者柴胡桂枝湯
渴而小便不利者五苓散熱多汗出腹滿便秘者
大柴胡湯痰瘧者二陳湯加柴胡黃芩食瘧者先
用大安丸次用異功散瘵瘧勞瘧俱用補中益氣
湯暑瘧十味香茹飲鬼瘧用鬼哭散瘴瘧用四獸

飲瘧母者鼈甲飲凡脾胃虛而患瘧者不拘有汗
無汗三陰六經悉以六君子湯為主熱多加柴胡
山梔寒多加乾薑肉桂有汗加黃耆浮麥無汗加
蒼朮加乾葛元氣下陷及肝木乘脾並加升麻柴
胡爲善若用青皮常山草果等藥以爲攻截良法
正氣益虛邪氣益深是多延綿不止而爲勞熱者
有矣前諸症俱悉更宜審其寒熱多少氣血虛實
以詳治之

青皮飲方 治瘧初起內有停滯

青皮炒 厚朴薑汁炒 白朮土炒 草果煨 柴

胡蘆去蘆 茯苓 半夏製 黃芩 甘草各等分

右剉散每服三錢生薑三片煎食前服

香葛散方 治小兒傷寒成瘧夾食夾驚

香附子炒一兩 紫蘇葉一兩 陳皮去白 青皮去瓢

各五錢 甘草炙二錢五分 葛根炒五錢

右咬咀用薑三片葱白一莖同煎不拘時服

清脾湯方 治小兒瘧疾浮腫寒熱

白朮土炒 白茯苓 厚朴薑汁炒 青皮炒 陳

皮 半夏製 大腹皮洗 檳榔 三稜煨

莪朮煨 木通 甘草各等分

右剉散每服三錢薑一片同煎溫服

香葛散方 治小兒四時夾食成瘧

香附子炒 蘇葉各一兩 陳皮去白 青皮去瓢

葛根各五錢炒 甘草炙二錢五分

右咬咀加生薑三片葱白一莖同煎不拘時服

麻黃羌活湯方 治發時頭疼身熱脊強脈浮者

名曰寒瘧

麻黃 羌活 防風 甘草 各一錢

加葱白三莖水鍾半煎八分臨發先一時服

白芷湯方 治發時目痛鼻乾口渴自汗不得眠

有熱無寒或熱多寒少名曰熱瘧

白芷 一錢 知母 二錢半 石膏 二錢半

加燈草三十寸照前方煎服法

柴胡桂枝湯方 治瘧身熱多汗

柴胡 八錢 黃芩 三錢 半夏 二錢半 芍藥 甘草

桂枝 各三錢

用水二鍾薑棗煎溫服

桂枝麻黃各半湯方 治發熱自汗或無汗

桂枝 白芍 生薑 甘草 炙 麻黃 各一錢

杏仁 十粒

用水二鍾大棗二枚煎六分服

鬼哭散方 治久瘧不止

常山 腹皮 茯苓 鼈甲 醋炙 甘草 炙各六錢

右入桃柳枝各七寸水煎服

香薷湯方 治獨熱不寒名曰瘧瘧當責之暑

香薷一兩 扁豆 厚朴薑汁炒 茯神各五錢 甘草

炙二錢

用水三升煎升半分五服

七棗湯方 治獨寒不熱脈遲名曰牝瘧責之寒

大附子鹽水煮去皮臍三分 大棗七枚

加薑一片水一鍾煎至七分發前服

蜀漆散方 此仲景治牝瘧方

蜀漆燒去腥 雲母燒二日夜 龍骨鍛

右等分爲末於未發前漿水調服五分

加味益氣湯方 治經年不愈名曰瘧瘧

人參五分 黃耆七分 白朮五分 當歸五分 陳

皮四分 甘草二分 升麻三分 柴胡五分 鼈甲

八分 醋炒

薑棗同煎未發前服

鼈甲散方 治小兒瘧疾有痞塊者

芍藥一錢 生地一錢 川芎 黃芩 半夏各七分

甘草三分 生薑三分

用水二鍾煎至一鍾發熱前溫服

重刊聖濟總錄 卷之四 癩瘡
紫金丹方 治五六發後可用

黃丹 大蒜頭

端陽日午時將蒜於灰火內燒爛同黃丹搗爛
為丸如菜豆大每用十丸當發日空心酒下

截瘡湯方 脈平方可用

何首烏五錢 柴胡二錢半 前胡二錢半

用河水一碗井水一碗同煎至八分露一宿空
心服

四獸飲方 治瘡瘰神效

人參 白朮 茯苓 半夏 草果 橘紅

各等分 甘草減半

右用烏梅薑棗濕紙包裹煨熟入水煎服

鼈甲飲子方 治瘡母

鼈甲醋炙 白朮 甘草 黃耆 白芍 川

芎各等分

右用薑棗水煎服

三僊飲方 治小兒瘡母結癖寒熱不已

真阿魏 雄黃各二錢五分 硃砂一錢半

右沸湯泡阿魏研散雄砂和勻稀麪糊丸如梧
桐子大每用一丸人參湯候冷空心服瘴瘧桃
枝湯冷服臨發磨一丸傅鼻頭口畔

治傷寒瘧疾難愈用大安丸卽保和丸加白朮

小兒水氣腫

論曰小兒水氣腫由將養失宜腎脾二臟俱虛也
腎主水脾主土而尅之今腎虛不能統其水脾虛
不能制其水故水氣流溢於皮膚而腫滿其狀皮
冷如鐵薄如熟李是也若虛腫如吹者此風腫耳

凡腫先起於腹而散於四肢者可治先自四肢而
後歸腹者難治鼓脹肚上有筋腹滿而大便滑泄
久瘧而轉作虛浮及唇黑傷肝缺盆平傷心臍突
傷脾足平傷腎背平傷肺男爲足腫而上女從身
腫而下或肉硬或手掌平皆不治治法宜補中行
濕利小便否則不治惟調補脾土多有生者風腫
則上身面目俱浮濕腫則下身爲重食毒氣腫則
肚腹脹急傷寒虛氣入腹亦腫瀉痢虛氣入腹俱
能作腫所患雖不相同未有不緣脾虛而得臨症

宜審所因以治之

九味羌活湯方 治小兒腰以上腫法當汗之

羌活 防風 蒼木 細辛 川芎 白芷

生地 黃芩 各五分 甘草 二分

用水一鍾半煎至七分温服

加味五皮飲方 治腰以下腫法當逐濕

五加皮 地骨皮 生薑皮 大腹皮 茯苓

苓皮 薑黃 木瓜 各五分

用水一鍾半煎至七分温服

疏鑿飲子方 治小兒通身水腫喘呼氣急煩渴

大小便不利

羌活 秦艽 商陸 檳榔 澤瀉 木通

大腹皮 茯苓皮 赤小豆 椒目

右剉散每服三錢加燈草一分煎服腫消後忌

鹽百日

舟車丸方 治小兒形氣皆實者方可用消腫甚

速

牽牛 四兩炒 大黃 二兩酒浸 甘遂 麩裹煨 大戟 麩包煨 芫

花炒 青皮炒 橘紅各一兩 木香五錢

右為極細末水跌為丸每服二錢食遠滾水下酒下亦妙看見大小加減

嚴氏實脾散方 治小兒水氣肢體浮腫口不渴大便不秘小便不澀此陰水也法宜溫之

白朮 茯苓 附子 乾薑 木瓜 大腹
子 木香 厚朴 草果仁等分

右剉散每服三錢

分氣飲方 治小兒腫脹作喘氣短而急四肢浮

腫疾食嘔逆神困喜睡

白茯苓 陳皮 桔梗炒 枳殼炒 甘草
桑白皮炙 半夏 蘇子 大腹皮 紫

蘇各二錢 草果一錢半 木通二錢
錢半 煨去殼

右剉散每服二錢加薑三片棗一枚水一鍾同煎

三白散方 治小兒初得腫疾四肢膚囊浮脹大小便不利皆因膀胱蘊熱風濕相乘

白牽牛半生半炒 桑白皮炒 白朮 去白陳皮

木通

去皮節

甘草

各半兩

右剉散每服二錢水一盞煎七分無時服

火金丹方 治小兒食積水腫

爐嘴不拘多少以近鐵性為佳連泥用火鍊三

日夜用鍊過泥研極細末每一兩加沉香末一

錢搗大棗肉為丸如麻子大每服一錢五分空

心酒下兒大量加 補中益氣湯參苓白朮散

六君子湯俱詳各症內

益氣分消飲方

揀人參

錢一

黃耆

蜜炙

白朮

炒

當歸

各一錢五

分陳皮

七分

柴胡

蜜炒

升麻

蜜炒

甘草

各三分

分車前子

八分

澤瀉

七分

茯苓

一錢

薏苡仁

炒二錢

煨薑一片黑棗二枚水煎服

金匱加減腎氣丸方 治水氣腫亡陽脈遲等症

熟地

八兩

山藥

山茱萸

各四兩

澤瀉

茯苓

丹皮

各三兩

肉桂

附子

炮

車前子

炒

牛膝

酒微炒各一兩

右各另爲末米糊爲丸如小豆大每服三四十丸空心白滾湯下

小兒心痛

論曰九腫心氣痛皆言胃耳非真心痛也若真心痛神昏色變指爪紫青旦發夕死夕發旦死無能爲矣小兒有時而痛者多因腸胃宿挾冷氣又暴爲寒氣所加前後衝動與臟氣搏隨氣上下相擊成痛雖有痰火食積蟲等症仍必兼氣分藥治之矣

二陳湯方 治初起心痛及痛後調理

陳皮五分 半夏六分 茯苓五分 甘草二分

加生薑一片水一鍾煎六分溫服

平胃散方 治小兒常服則無心痛之患

蒼朮 厚朴 陳皮各一兩 甘草五錢

右剉散每服二錢加生薑一片同煎

七氣湯方 治小兒陰陽不升降壅滯作痛

青皮炒 陳皮 桔梗炒 蓬朮煨 肉桂
去皮 益智仁 藿香各一兩 香附米一兩 甘草半

錢五

右劉散用薑一片棗一枚水一鍾同煎食前服

四順散方 治小兒血脈壅實臟腑生熱頰赤多

渴心痛胃痛伏熱成驚並宜服之

赤芍藥 當歸 甘草 大黃各等分

右劉散凡三歲兒每服一錢水一盞煎服

靈礬散方 治小兒心痛欲絕

五靈脂八錢 白礬火飛二錢

右同研每服一二錢水一鍾煎至五分溫服少

時當有蟲吐出 凡心痛吐水者蟲痛不吐水

者冷痛

下積丸方 治乳食傷積心腹脹痛

丁香十二枚 砂仁十二枚 史君子五枚 烏梅三枚

巴霜二枚去油

右為末揉飯為丸如麻子大每服三丸陳皮湯

下

定痛丸方 治小兒氣滯食積心腹作痛

建菟仁 元胡索酒炒 五靈脂 蒼木米泔浸透

厚朴薑汁炒 陳皮各二兩 烏藥 枳實炒 神

麴炒 檳榔各一兩 香附二兩酒炒去毛

共為末水跌為丸看見大小加減

藿香正氣散方 治小兒心痛兼內傷外感

藿香三錢 白朮 茯苓 陳皮 甘草半

夏 紫蘇 厚朴 桔梗 大腹皮 白芷

各一錢

右剉散每服二錢加薑一片水一鍾煎至七分

緩緩熱服

丁香止痛散方 治小兒受寒氣心腹作痛

丁香 小茴香 良薑 炙甘草各等分

右剉散每服一錢水一盞煎服

保和丸方 治小兒胃氣不和停滯作痛

蒼朮米泔浸炒 厚朴薑汁炒 陳皮 山查 神麴炒

青皮 香附酒炒 蘿蔔子各等分炒

右為末水跌為丸每服一錢滾水送下

六君子湯方 治中氣虧敗運動失常作痛

人參五分 白朮六分 茯苓四分 甘草二分 半

夏五分

陳皮四分

生薑片一

大棗一枚

用水一鍾半煎至七分溫服

六和湯方 治同前症兼有暑氣

白朮六分

砂仁三分

甘草二分

人參五分

扁

豆六分

香薷七分

厚朴五分

藿香六分

半夏

四分

茯苓四分

木瓜四分

杏仁四分

薑三小片棗一枚用水一鍾半煎至七分熱服

理中湯方 治胃寒作痛

人參五分

白朮六分

甘草二分

炮薑三分

水一鍾煎六分熱服如面青手冷脈沉遲口不

渴熱手按之少定者加製大附子一分

獨聖散方 治不時心痛

娑陀子一個燒存性為末每服五分酒和下

黃肝散方 治心胃疼痛欲絕

黃鼠狼心肝肺

三件新瓦焙乾為細末

乳香去油

沒藥

去油

血竭

兒茶

各淨三分

各製為末和勻每服二分善用酒者燒酒和服

宣和正統系金

卷三十四

一

三

五

